



LE
COVRT-BOVILLON
DE MAZARIN,

ASSAISONNE' PAR TOVTES LES BONNES
VILLES DE FRANCE.



A PARIS, chez CLAYDE MORLOT, rue de la Bucherie.



LE COVRT-BOVILLON DE MAZARIN,
assaisonné par toutes les bonnes Villes de France.

IVsques à quand ô Perfide & Impie Monopoleur ta
Rage effrenée allumera-elle le feu de discord dans ce
Royaume & lusques à quand abuseras-tu nostre Roy, la
Royne, & tout l'Estat ? Ne verrons-nous iamais la fin de
ta fureur ? Ne verrons-nous point ta Rébellion b' crée
d'un Epilogue sanglant de malheurs, où tu puisse estre
enseuelis avec tes adherans miserables comme toy,
pour ne renaistre iamais, dans l'enclos de cest Empire.
Siecle maudit puis qu'il produit, hélas ! de si perfides &
infames auortons : Miserables, puis qu'ils sont si desna-
turez : Malheureux mil fois, puis qu'ils bannissent de
leur front toute honte. N'as-tu pas chassé de ton visage
tout le respect que tu dois à la France, la source de ton
bon-heur, & ton azile plus solide. Chers François con-
seillez-moy à qui i'adresseray mes plaintes, i'entends
vostre voix qui m'exitte de m'adresser à celuy que ie me
suis proposé, pour Antagoniste du motif de mon la-
bœur. C'est à toy Mazarin, à qui ie parle : C'est ton mau-
vais conseil que i'attaque, Mutin qui pence par tes me-
naces faire trembler la Monarchie Françoise ? Crois-tu
bien soustenir ton audace du bouclier de ton effronterie

4
& arrogance ? N'apprehende-tu point les coups de foudres que nos Guerriers François vont dardant maintenant sur toy ? Iusques à tel temps produiras-tu tes insolences, ne verrons-nous pas en bref ton pernicieux conseil avec toy renuersé de fond en comble, Perfide & Infame, Faut-il qu'un Roy si doux & si debonnaire, de qui la Iustice moule les actions, & à qui le Ciel distille tant de grace, ait esté charmé aussi bien que la Roynne, de tes appas trompeurs, au point de l'auoir faict sortir de son siege, enleué de son lit, où il prenoit son repos, pour luy faire abandonner son peuple. Depuis ce iour fatal que nostre Roy nous a esté rauy, & que tu as enuénimé les Princes par tes monstrueuses & damnables propositions, on ne void naitre que malheurs, que desolation, que calamitez publiques & que discorde parmy la France, c'est Empire auparauant le seiour de la paix & la demeure ordinaire des Vertus, ou avec seurété elles auoient restablly les anciennes richesses du siecle de Saturne, & fait renaistre la Majesté auguste de nos premiers Peres, & des sacrez rejettons de l'Eglise, a esté d'autant rabaisée de son premier degré, qu' auparauant il auoit un ascendant aduantageux sur les autres parties du monde : mais depuis quelques années ou vous a porté vostre rage effrenée, nous voyons nos Provinces souffrir des extorsions estranges par vostre mauuais conseil, qu'il le piller le n'avez vous point faites sur le peuple par nouuelles daces, tost ou tard il faut succomber & quier
cét os

cet os si long-temps rongé par vous, il faut demordre & abandonner la place ou vous auiez deliberé d'establis-
vostre Empire, voicy des iours qui vous sont bien Ca-
niculaires & Climateriques. Avec combien de regret
voyez-vous nos François abbattre vostre audace. Avec
quelle douleur voyez-vous tant de Lauriers & de ieunès
Mars Couronnez de Palmes, se joindre pour stipuler
l'interest de la Couronne, & luy faire yne Guillande qui
fera eternellement fleurir son courage. Il faut prendre
patience, la Frâce ne sera pas tousiours affligée, la Popu-
lace ne sera pas tousiours en misere, le troupeau esleu ne
sera pas tousiours tourmenté des Loups, les François
ont trop de courage, qui ne perde rien de leur premie-
re vigueur. Preparez-vous donc, lauez-vous la main, ar-
mez-vous du signe de la Croix, si vous estes Chrestien, &
receuez (ce Court-Bouillon) que ie vous apporte pour
vous restablis vostre pristine santé, & vous reintegrer de
la ceruelle pour remplir le vuide de vostre Crasne, com-
me les forces d'esprit qui vous ont quitté au besoin, qui
vous a fait abandonner le repos au temps que vous lauez
deu plus cherir, vous m'accuserez peut-estre de trop
de temerité de vous auoir preparez ce Bouillon en vn
temps si fascheux, & où il semble que le Ciel n'ait des
foudres que pour se vanger de vos reuoltes, toutesfois
ce n'est que la cherité qui m'y a poussé, ayant compassion
de la maladie d'esprit qui vous persecute; considerant
qu'un Court-Bouillon est excellent aux Frenetiques, Ie

vous eusse bien fait vn potage blanc p^our vous refaire de toutes les camifades qu'on vous a donné, mais i'ay p^{re}neu que cela vous eut eschauffé le sang, mesme auois-ie quelque intention de vous faire vn hachis, nos François en p^{re}ndront le soin aussi bien que d'une Capilotade qu'o^u vous fait avec vne fricassée à la Cicylienne. Pour moy ie me contente de vous accommoder au Cour-Boüillon, scachât que vous aimez le haut goust à la façon des Reîtres, Le lieu ou ie vous veux apprester & faire cuire ce Court-Boüillon est dans Paris, qu'avez mis en alarme, lequel fournira d'ingrediens pour auancer & finir vostre carriere: Chartre me fournira de Vinaigre au souuenir de la retraitte qu'avez demandé à y faire. Lyon fournira de poiure, Grenoble de cloux de girofle, Aix d'espices douces. Dijon fournira de verjus & de moutarde, Marseille & nos autres ports de mer fourniront d'oignons & de tous autres ingrediens necessaires. Le vinaigre vous fera sentir l'aspreté de sa pointe & le goust indigeste de sa crudité, le verjus qui ne laissera meurir d'auantage vos desseins & vos monopolles, ains par vn restringent à ce requis vous coupera l'herbe sous le pied pour vous faire saüouer la ciimonie de son goust, le poiure vous eschauffera tellement le sang, que la pleuresie butinera le reste de vos iours. Le cloux de girofle doit enfin vous faire sentir les pointes de l'ire du Ciel. L'espice vous represente vostre procez fait & parfait, comme au plus scelebrat de la Nature. Bref les ingrediens de ce Cour-Boüil-

Ion ainsi assaisonné par la mixtion dangereuse de leur nature doiuent engendrer en vous des qualitez qui vous contraindront de quitter la France. Il ne faut plus faire la Chatemitte, il faut humier la sauce, Reims, Nantes & Roüen fourniront de poisson, ou pour mienx dire de contrepoison pour vous faire succomber sous vos reuoltes. Monsieur le Duc de Beaufort & d'Elbeuf, Princes genereux, vous contraindront de l'aualer au plus fort de vos laschetes. L'Escole de Medecine ne vous seruira de rien, pour consulter vostre maladie, puis qu'une pleuresie ne demande que la seignée, la queue du poisson vous engendrera des syncopes, mal de cœur & indigestions d'estomach, priez Dieu pour les mal traitez, ce que ie trouue de pire est que les Medecins de Paris ne vous pourront secourir, d'autant qu'ils s'occupent à faire vne salade. Orie reuiens à vous, Mazarin, pour vous dire qu'aux derniers de vos iours, & dans l'extremité de vostre vie, deuriez plustost faire bastir vostre sepulture, que de souiller vostre Caractere d'une si infame & perfide rebellion. Quel honneur esperez-vous que la France rende à vos cendres, quel titre quel epitaphe grauerons les François sur le marbre infortuné de vostre tombe, puis qu'au temps que vous deuiez faire preuue de vostre fidelité enuers ce Royaume, de qui auez receus de si aduantageux priuileges, vous minutez la ruine de son Estat, & donnez force & alaine à l'ennemy qui se fortifie voyant nostre trouble. Failloit il apres tant de

biens-faits, tant de graces specialles que vous a prodigüé le feu Roy, & vne infinité d'autres faueurs coneedées par sa Majesté, heureusement regnant, que vos vieux iours fussent ternis & obscurcis, d'un si noir & tenebreux brouillars de réuolte. N'avez-vous point herité de prudence de vos ancestres, où est la foy & le respect que vous deuez à la France. Regrettez vos fautes & plorez vos forfaits, pendant la France vous banny pour iamais.